


Presiden Thomas S. Monson



# Mekim Taim Bilong Sevia

**N**arapela Krismas sisen i kam nau long yumi na wantaim em bai niupela yia i kamap. Emi lukluk olsem aste tasol yumi wok long selebreitim bon dei bilong Sevia na mekim ol disisen long senisim sampela samting insait long laip bilong yumi wanwan.

Insait long ol senis long laip bilong yumi wanwan long dispela yia, yumi tingting tu long bai yumi mekim taim bilong Sevia insait long laip bilong yumi na mekim rum bilong Sevia insait long lewa bilong yumi? Maski yumi winim ol dispela senis ikam inap nau, mi save olsem bai yumi laik mekim gut moa yet. Dispela Krismas sisen emi nambawan taim long yumi lukluk gut na traim gen long wokim.

Insait long ol bisi laip bilong yumi wanwan, wantaim planti samting wok long pulim yumi igo ikam, em i impoten olsem yumi imas mekim klia, strongpela disisen long bringim Kraismas ikam insait long laip bilong yumi na insait long ol hom bilong yumi. Na emi impoten olsem yumi, olsem ol Wais Man long Baibel, imas putim tingting bilong yumi long star bilong Em na “kam na lotu long em.”<sup>1</sup>

Long ol genereisen bipo ikam inap nau, meseig kam long Jisas emi wankain yet. Long Peter na Andrew long nambis bilong Galilee, Em itok, “Bihainim mi.”<sup>2</sup> Long Philip toktok ikam, “Bihainim mi.”<sup>3</sup> Long ol Levite husat i sindaun long kisim ol kastom toktok ikam, “Bihainim mi.”<sup>4</sup> Na ikam long yu na mi, sapos yumi harim gud, wankain signol wantaim wankain invitesen i wok long kam: “Bihainim mi.”<sup>5</sup>

Taim yumi wok long bihainim lekmak bilong Em tede na taim yumi wok long soim eksampol bilong Em, yumi

bai gat opotuniti long blessim laip bilong ol narapela lain. Jisas invaitim yumi long givim yumi yet: “Lukim, Lod i nidim lewa wantaim tingting bilong ilaik wok tasol.”<sup>6</sup>

Igat wanpela man o meri we yu tingim olsem you iken givim sevis igo long ol long dispela Krismas? Ating igat wanpela istap husat i wetim yu long visitim ol?

Sampela yia igo pinis long Krismas mi bin igo long haus bilong wanpela lapun wido. Taim mi bin stap long hap, wanpela man ibin begim dua bel bilong em. Taim mi go long dua mi lukim wanpela dokta husat emi wanpela bisi na nambawan dokta stret i sanap istap. Nogat man ibin tokim em long kam tasol emi tok olsem em ibin pilim olsem tasol olsem igat wanpela sikman istap em yet na nidim halivim.

Long dispela sisen, ol lewa bilong ol dispela lain istap insait long hausik or ol lapun istap ol yet bai salim tingting na laikim ol lain long visitim ol long Krismas taim. Wanpela Krismas taim mi wok long visit long wanpela ke senta, mi sindaun na toktok wantaim faivpela lapun meri, dispela we emi lapun moa yet krismas bilong em 101. Em i ai pas, tasol em i harim save long nek bilong mi.

Emi tok, “Bisop, yu ikam leit liklik long dispela yia!” Mi ting olsem bai yu inonap kam.”

Mipela ibin gat naispela taim wantaim. Tasol wanpela sikmeri, iwok long lukluk igo aut long windo tasol istap wantaim sori, na itok, “mi save olsem boy bilong mi ibai kam na lukim me tede.” Mi wok long tingting sapos boy bilong em bai ikam or nogat, bikos ibin gat ol narapela Krismas we em ino bin save kam.

Tasol igat taim yet long dispela yia long surukim han bilong yu igo, wantaim lav long lewa bilong yu, na wantaim tu gudpela spirit—olsem long bihainim eksampol Sevia yet ibin mekim long sevis wok na dispela em ilaik bai yumi wokim. Taim yumi wok long sevim Em, yumi bai no inap lusim opotuniti, olsem dispela man lukautim haus bilong silip taim Maria na Joseph wok long panim rum bilong silip long taim bipo.<sup>7</sup> Yumi iken mekim rum isait long laip bilong yumi we Sevia iken istap na tu rum insait long lewa bilong yumi.

Bai yumi inap andastendim dispela bikpela promis istap insait long meseig ol angelo ibin givim long ol man i was long sipsip istap o nogat: “Mi bringim ikam long yu gudpela ripot we igat bikpela hamamas. . . . Em nau ibai bon ikam long dispela dei . . . wanpela Sevia, husat em Krai em Lod?”<sup>8</sup>

Taim yumi wok long givim igo ikam ol presen long Krismas, gutpela long yumi traim long tingim, aprisiatim, na kisim dispela bikpela presen—moa long ol narapela presen em presen hia em Sevia na Ridima bilong yumi, olsem bai yumi iken gat laip oltaim oltaim.

“Olsem hao bai man inap long kisim gudpela bilong wanpela presen sapos dispela presen istap long em long kisim, tasol em ino kisim dispela presen? Lukim, em bai ino inap long kisim hamamas long dispela presen, na tu em bai ino inap long hamamas long husat i givim dispela presen.”<sup>9</sup>

I gutpela long yumi bihainim Em, sevim Em, honarim Em, na kisim ikam insait long ol laip bilong yumi ol presen bilong yumi ikam long Em, olsem na bai, long usim toktok bilong Papa Lehi, emi ken raunim yumi insait long han bilong em wantaim lav bilong em.”<sup>10</sup>

#### OL NOUT

1. Matthew 2:2.
2. Matthew 4:19.
3. John 1:43.
4. Matthew 9:9.
5. Doctrine and Covenants 76:56.
6. Doctrine and Covenants 76:56.
7. Lukim Luke 2:7.
8. Luke 2:10–11.
9. Doctrine and Covenants 76:56.
10. 2 Nephi 1:15.

#### TISING LONG DISPELA TOKTOK

Presiden Monson imekim sigaut ikam long yumi long “mekim stretpela, feiftul wok long bringim Krai ikam insait long laip bilong yumi na ikaim insait long ol hom bilong yumi.” Tingim long diskasim wantaim ol lain husat

yu wok long tisim hao ol iken mekim dispela stretpela wok ol yet wanwan na tu olsem femili. Yu iken tingim tu long askim ol long tingim wanpela man meri o femili husat ol iken visitim na givim sevis long ol long dispela Krismas. Em igat taim yet dispela yia long sukurim han bilong yu igo long halivim wantaim lav na spirit bilong hamamas.”

## YUT

### Wei bilong Sevis long Krismastaim

**P**residen Monson i kisim sampela taim long visitim ol lapun lain na ol lain istap insait long ol ke senta, moa yet em i kisim taim long visitim ol long Krismastaim. Em i lukim olsem igat sampela lain husat i hamamas bikos oli igat ol visita tasol sampela oli stap tasol wantaim hop bikos ol visita bilong ol ino save kam. Iगत sampela lain husat i wok long wetim long sampela lain—ating long dispela Krismas, yu *ken* kamap olsem dispela lain long visit.

Lis istap hia em sampela wei we yu iken halivim na mekim kamap olsem bai ino igat man meri i pilim olsem nogat man i wari long ol long dispela Krismas. Yu ken tingting long sampela moa wei long putim han igo aut long komuniti bilong yu long dispela sisen. “Ating igat wanpela man o meri i wok long wetim yu long visitim ol?”

- Mekim ol Krismas kat long salim igo long ol misinari na long ol singol na ol lapun lain insait long wod or brens bilong yu.
- Go voluntia wantaim wanpela lokal komuniti ogeniseisen.
- Givim ol Buk bilong Momon olsem Krismas presen igo long ol pren na neiba bilong yu.
- Visitim ol lapun lain insait long wod o insait long femili bilong yu.
- Mekim sampela naispela kaikai na givim igo long ol neiba bilong yu.

## OL PIKININI

### Bihainim Dispela Lait

**B**ihain long Jisas i bon, ol Wais Man ibin bringim ol presen ikam long em. Ol ibin bihainim wanpela niupela sta i sain moa yet long skai long painim em. Wanem kain presen inap yu givim Jisas long dispela Krismas?



Feit, Famili, Rilif

# Ol Holi na Gudpela Pasin bilong Jisas Krai: Sori Pasin na Gutpela Pasin

*Prei na ritim gud dispela samting na tingim wei bai yu tokim ol narapela. Hao bai save bilong yu long ol gudpela pasin bilong Sevia mekim feit bilong yu igo bikpela insait long Em na blesim olgeta lain husait yu save lukim long taim bilong visitin tising? Long moa infomesen, go long [reliefsociety.lds.org](http://reliefsociety.lds.org).*

*Dispela emi hap long ol toktok bai i wok long kamap insait long ol Visitin Tising Meseig long soim ol gutpela pasin bilong Sevia.*

“Insait long skripsa, sori pasin em i min olsem bai yu ‘pilim pen wantaim.’ Em i min olsem tu bai yu soim olsem yu andastendim pen bilong wanpela narapela, soim olsem yu sori, na soim mesi long wanpela narapela.”<sup>1</sup>

Presiden Thomas S. Monson itok, “Jisas i givim yumi planti eksampol long sori pasin.” “Dispela man wantaim lek nogut long raun wara long Bethesda; dispela meri husat oli holim long adaltri; dispela meri long sait long wel bilong Jacob; Pikinini meri bilong Jairus; Lazarus, brada bilong Mary na Martha olgeta yumi lukim olsem ibin kam long lukim Jisas long rot igo long Jericho. Olgeta ibin nidim halivim.

“Long man wantaim lek nogut long Bethesda, Jisas itok, ‘Kirap, kisim bet bilong yu, na wokabaut.’ Long meri igat sin bilong adaltri we ikam long kisim kaunsel, ‘Go, na noken sin gen.’ Long halivim meri husat ikam long kisim wara ‘Em i givim wel bilong wara we ‘ibai kam na givim laip oltaim oltaim.’ Igo long pikinini meri bilong Jairus husat i dai pinis emi tok, Yangpela meri, Mi tok

long yu, kirap.’ Long Lazarus we emi stap long matmat pinis, ‘Yu ikam.’

“Olgeta taim Sevia i save soim olsem sori pasin bilong em ibai ino inap pinis. . . . Yumi tu imas opim dua long lewa bilong yumi, na Em—husat igat dispela eksampol bilong trupela sori pasin—iken kam insait.”<sup>2</sup>

## **Sampela narapela skripsa**

Psalm 145:8; Zechariah 7:9; 1 Peter 3:8; Mosiah 15:1, 9; 3 Nephi 17:5–7

## **Long ol Skripsa**

“Mi na man bilong mi nil daun long sait bilong bet bilong pikinini meri bilong mipela husat is 17 krismas bilong em na mitupela krai long laip bilong em,” Linda S. Reeves, namba tu kaunsela long Rilif Sosaiti generol presidensi iwok long tok. “Ansa mitupela kisim em nogat, tasol . . . mipela isave nau . . . olsem. . . . Sevia i pilim sori pasin long mipela long taim bilong sori bilong mipela.”<sup>3</sup>

“Wanpela favoret stori bilong mi long laip bilong Sevia em stori bilong Lazarus. Ol skripsa i tokim yumi olsem ‘Jisas i lavim Martha, . . . na sista bilong em [Mary], na [brada bilong tupela] Lazarus<sup>4</sup>.’ Taim Lazarus ibin kamap sik, ol i salim

toktok igo long Jisas, tasol taim Em i kamap Lazarus ibin dai pinis. Mary ibin ron igo long Jisas, pundaum igo long lek bilong Em, na karai. Taim Jisas lukim Mary is wok long karai, ‘em i pilim bikpela sori long spirit bilong em, na em i karai” (John 11:33, 35).

Dispela em duti bilong yumi. Yumi mas pilim na luk save na olsem yumi iken halivim ol narapela pikinini bilong Papa God long pilim na luk save tu na save olsem Sevia Em ino karim olgeta sin bilong yumi tasol Em i karim tu olgeta pen na olgeta taim yumi safa na olgeta kain sik bilong yumi, olsem Em iken save wanem yumi wok long pilim na hao bai em iken kamfotim yumi.”<sup>5</sup>

## **OL NOUT**

1. Gaid Igo long ol Skripsa, “Sori Pasin.”
2. Thomas S. Monson, “Presen bilong Sori Pasin ikam long Papa God,” *Liahona*, Mar. 2007, 4–5, 8.
3. Linda S. Reeves, “Lod Ino Lus Tingting Long Yu,” *Liahona*, Nov. 2012, 120.
4. Linda S. Reeves, “Lod Ino Lus Tingting Long Yu,” 118.
5. Linda S. Reeves, “Lod Ino Lus Tingting Long Yu,” 120.

## **Tingim Dispela**

Husat iken kisim blessing long sori pasin bilong yu?